

## **Angajoqqaat akisussaanerat pillugu inatsisip Kalaallit Nunaanni atuutilersinneqarnera pillugu peqqussut**

UAGUT MARGRETHE APPAAT, Guutip Saammaassineratigut Danmarkip Dronningia nalunaarpugut:

Angajoqqaat akisussaanerat pillugu inatsimmi § 49<sup>1</sup> naapertorlugu, tak. inatsit nr. 499, 6. juni 2007-imeersoq, § 6, imm. 2,<sup>2</sup> meeqqat isumassorneqarnissaat pillugu inatsisip allangortinneqarnera pillugu inatsimmi nr. 349-mi, 6. maj 2009-meersumi, katinnikkut aappariilersarnermi inatsiseqartitsinerup sunniutai pillugit inatsit, aappariilerluni katinneq avinnerlu aamma Angajoqqaat akisussaanerat pillugu inatsit (aningaasaqarniarneq pillugu paasissutissat, naammagittaalliornissamut piffissaritaasoq il.il. pillugit qarasaasihamut isersinnaaneq), qitornavisiartaartitsisarneq pillugu inatsisip inatsisillu allat (akuersinertaqanngitsumik qitornavissiartaartarneq, aapparisap nalunaarsorneqarsimasup meeraata inunngorneraniit qitornavissiartaarineqartarnera il.il. pillugit) allanngortinneqarnerat pillugu inatsimmi nr. 494-imi, 12. juni 2009-meersumi § 8, imm.2,<sup>3</sup> aamma Angajoqqaat akisussaanerat pillugu inatsisip, eqqartuussisarneq pillugu inatsisip aamma Det Centrale Personregister allanngortinneqarnerat pillugu inatsimmi nr. 600-mi, 18. juni 2012-meersumi § 5, imm. 2,<sup>4</sup> (Angajoqqaat akisussaanerat pillugu inatsisip inernilerneqarnerata malitsigisaanik allannguutit) tunngavigalugit aalajangersarneqarpoq Angajoqqaat akisussaanerat pillugu inatsit, tak. inatsit nr. 499, 6. juni 2007-imeersoq, inatsimmi nr. 349-mi, 6. maj 2009-meersumi § 4-kkut, inatsimmi nr. 494-imi, 12. juni 2009-meersumi § 3-kkut aamma inatsimmi nr. 600-mi, 18. juni 2012-meersumi § 1-ikkut allangor-tinneqartoq tunngavigalugu Kalaallit Nunaanni atuutilersinneqassasoq imatut oqaasertaqartillugu:

---

<sup>1</sup> Aalajangersagaq imatut oqaasertaqarpoq: "Inatsit Savalimmiuni Kalaallillu Nunaanni atuutsinngilaq, Kunngillu peqqussuteqarneratigut tamakkiisumik ilaannakortumilluunniit Savalimmiuni Kalaallillu Nunaanni atuutilersinneqarsinnaalluni immikkut isigisariaqakkat Savalimmiuni Kalaallillu Nunaanni pissutsit immikkut ittutut atuuttut ilanngullugit."

<sup>2</sup> Aalajangersagaq imatut oqaasertaqarpoq: "Inatsit Kungip peqqussuteqarneratigut tamakkiisumik ilaannakortumilluunniit Savalimmiuni Kalaallillu Nunaanni atuutilersinneqarsinnaalluni immikkut isigisariaqakkat Savalimmiuni Kalaallillu Nunaanni pissutsit immikkut ittutut atuuttut ilanngullugit."

<sup>3</sup> Aalajangersagaq imatut oqaasertaqarpoq: "§§ 1 aamma 3 Kunngip peqqussuteqarneratigut tamakkiisumik ilaannakortumilluunniit Savalimmiuni Kalaallillu Nunaanni atuutilersinneqarsinnaapput immikkut isigisariaqakkat Savalimmiuni Kalaallillu Nunaanni pissutsit immikkut ittutut atuuttut ilanngullugit."

<sup>4</sup> Aalajangersagaq imaatut oqaasertaqarpoq: "§§ 1 aamma 3 Kunngip peqqussuteqarneratigut tamakkiisumik ilaannakortumilluunniit Savalimmiuni Kalaallillu Nunaanni atuutilersinneqarsinnaapput immikkut isigisariaqakkat Savalimmiuni Kalaallillu Nunaanni pissutsit immikkut ittutut atuuttut ilanngullugit."

## Kapitali 1

*Aallaqqasiutitut aalajangersakkat*

**§ 1.** Meeqqat inuuusuttullu 18-it inorlugit ukiullit katissimallutik aappariilersimanngikkunik angajoqqaanit oqartussaaffigineqarput.

**§ 2.** Angajoqqaap akisussaasup meeqqap isumassorneqarnissaa isumagissavaa, meeqqallu soqutigisai pisariaqartitaalu aallaavigalugit meeqqap inuttut atugai pillugit aalajangiisinnaalluni.

*Imm.* 2. Meeqqap isumassorneqarnissani aamma toqqissisimatinneqarnissani pisinnaatitaaffigai. Meeraq inuttut ataqqineqarluni pineqartassaaq aamma timkkut annersinneqarnikkut allatulluunniit kanngunarsarneqarnikkut pillarneqassangilaq.

*Imm.* 3. Angajoqqaat angajoqqaatut oqartussaassusermik tigumminnittut meeqqap aningaasatigut isertitai meeqqap pilorsorneqarneranut naammattumik annertussusilimmik atorsinnaavaat aamma namminneq meeqqallu inuttut atukkatik eqqarsaatigalugit.

**§ 3.** Angajoqqaat angajoqqaatut oqartussaassusermik ataatsimoorussamik tigumminnippata pissutsit meeqqamut tunngasut pillugit pingaarutilimmik aalajangiinissani angajoqqaat akornanni isumaqatigiittoqarnissaa piumasaqaataavoq. Angajoqqaap meeqqap najugaqarfisiaata meeqqap ulluinnarni inuunerani pissutsit pingaaruteqarnerusut aalajangiiffigisinnaavai, matumani najugaqarfius nunami pineqartumi sumiinnissaa ilanngullugu eqqarsaatigalugu.

*Imm.* 2. Angajoqqaat angajoqqaatut oqartussaassusermik ataatsimoorussamik tigumminnippata angajoqqaatullu oqartussaanissaq isumaqatigiinngissutigippassuk meeqqap nuna najugaqarfik qimannissaa pillugu marluullutik isumaqataanerminnik nalunaassapput, matumani Danmarkimut Savalimmiunulluunniit aallarnissaq ilanngullugu eqqarsaatigalugu, imaluunniit meeqqap nunami allami, Danmarkimi Savalimmiuniluunniit najugaqarnerata, siumoortumik aalajangersimasumiluunniit isumaqatigiissutigineqarsimasup saniatigut sivitsorneqarnissaa aamma ilanngullugu eqqarsaatigalugu § 17, imm. 1, oqaaseqatigiit aappaat imaluunniit § 25 tunngavigalugu aalajangiisoqarsimannngippat.

**§ 4.** Inatsit tunngavigalugu aalajangiinerit meeqqamut ajunnginnerpaasussaq aallaavigalugu aalajangiinerussapput.

**§ 5.** Meeraq pillugu pisuni tamani meeqqap ukiui inerissimassusialu malillugit meeqqap nammineq isumai asattuunneqassapput.

## Kapitali 2

*Angajoqqaatut oqartussaassuseq*

*Angajoqqaatut oqartussaanermik tigumminnittut*

**§ 6.** Angajoqqaat meeqqap inunngornerani katissimappata imaluunniit kingusinnerusukkut katinnissaq isumaqatigiissutigisimappassuk angajoqqaatut ataatsimoorussamik oqartussaassuseqassapput.

*Imm. 2.* Angajoqqaat meeqqap inunngornerani averusersimappata meeqqap arnata angajoqqaatut oqartussaassuseq taamaakkaluartoq kisimi tigummissavaa pissut makkua pisimanngippata

1) uiusoq averusersimasoq nammineq nassueruteqarneq tunngavigalugu eqqartuussivitsigoortumilluunniit aalajangiinikkut meeqqamut ataataasutut isagineqarpat, imaluunniit

2) (Kalaallit Nunaanni atuutilersinnejassanngilaq)

*Imm. 3.* Angajoqqaat meeqqap inunngornissaa sioqqullugu qaammatit qulit siullit ingerlaneranni katissimappata angajoqqaatut oqartussaassuseq ataatsimoorullugu tigummissavaat.

**§ 7.** Angajoqqaat katissimanngitsut angajoqqaatut ataatsimoorussamik oqartussaassuseqarput, imappaat

1) (Kalaallit Nunaanni atuutilersinnejassanngilaq)

2) § 9 tunngavigalugu angajoqqaatut ataatsimoorussamik oqartussaassuseqarnissaq pillugu isumaqatigiissuteqarunik.

*Imm. 2. (Kalaallit Nunaanni atuutilersinnejassanngilaq)*

*Imm. 3.* Angut nammineq nassueruteqarnikkut eqqartuunneqarnikkulluunniit meeqqamut ataataasutut isagineqarpat angajoqqaat ataatsimoorussamik oqartussaassuseqassapput meeqqap inunngornissaa sioqqullugu qaammatini qulini kingullerni inuit nalunaarsorneqarfiatigoortumik ataatsimut najugaqarunik imaluunniit najugaqarsimagunik.

*Imm. 4.* Imm. 1-3-miunngitsuni pisuni allani anaanaasoq angajoqqaatut kisimi oqartussaassuseqarpoq.

**§ 8.** Angajoqqaat angajoqqaatut ataatsimoorussamik oqartussaassuseqarpata tamanna nangineqassaaq angajoqqaat inooqatigiinnertik taamaatissimagaluarunkuluunniit, averusersimalgurunilluunniit avissimagaluarunilluunniit imaluunniit aappariillutik katissimanerat atorunnaarsinneqarsimagaluarpuunniit.

**§ 9.** Angajoqqaat angajoqqaatut ataatsimoorussamik oqartussaassuseqarnissartik isumaqatigiissutigisinnavaat. Isumaqatigiissut Naalagaaffiup Sinniisuanut nalunaarutigineqassaaq atuussin-

naassuseqassaguni. Suliaq angajoqqaatut oqartussaanermut tunngasoq eqqartuussivinnut suliassangortinneqarsimappat nalunaarutiginninneq tassunga pisinnaavoq.

**§ 10.** Angajoqqaat angajoqqaatut ataatsimoorussamik oqartussaassuseqartut inooqatigiinngitsulli arlaata ataatsip angajoqqaatut kisimi oqartussaassuseqarnissaa isumaqatigiissutigisinnaavaat. Isumaqatigiissut Naalagaaffiup Siniisuanut nalunaarutigineqassaaq atuussinnaassuseqassaguni. Suliaq angajoqqaatut oqartussaanermut tunngasoq eqqartuussivinnut suliassanngortinneqarsimappat nalunaarutiginninneq tassunga pisinnaavoq.

**§ 11.** Angajoqqaat angajoqqaatut ataatsimoorussamik oqartussaassuseqartut inooqatigiinngitsulli angajoqqaatut oqartussaassuseq pillugu isumaqatigiinngippata angajoqqaatut ataatsimoorussamik oqartussaassuseq nanginneqassanersoq eqqartuussiviup aalajangissavaa, imaluunniit taakkua arlaata ataatsip angajoqqaatut oqartussaassuseq kisimi tigummissaneraa. Eqqartuussiviup angajoqqaatut ataatsimoorussamik oqartussaassuseq taamaallaat atorunnaarsissinnaavaa meeqqap ajunnginnerpaamik pineqarnissaa pillugu pissutsit meeqqamut tunngasut angajoqqaat suleqataaffigisinnaanninnerannik ilimaginninnermik aallaaveqartoqarpat.

**§ 12.** Angajoqqaap arlaata ataatsip angajoqqaatut oqartussaassusermik kisimi tigumminninnissaa pillugu § 10 tunngavigalugu isumaqatigiissuteqartoqarsimappat imaluunniit § 11 tunngavigalugu aalajangiisoqarsimappat angajoqqaatut ataatsimoorussamik oqartussaassuseq atuuteqqilissaq angajoqqaat katissimallutik aappariit, matumani averusersimasut ilanngullugit eqqarsaatigalugit, inooqatigiinnertik atoqqilerpassuk nangippassulluunniit.

#### *Angajoqqaatut oqartussaanerup nuunneqarnera*

**§ 13.** Angajoqqaatut oqartussaassutsip angajoqqaap arlaanit aappaminut nuunneqarnissaa angajoqqaat isumaqatigiissutigisinnaavaat. Isumaqatigiissut Naalagaaffiup Siniisuitaanut nalunaarutigineqassaaq atuussinnaassuseqassappat. Angajoqqaatut oqartussaassuseq pillugu suliaq eqqartuussivimmun suliassanngortinneqarsimappat nalunaarneq tassunga pisinnaavoq.

*Imm. 2.* Angajoqqaatut oqartussaassuseq isumaqatigiissuteqarnikkut Naalagaaffiup Siniisuata akuerisimasaatigut inunnut allanut angajoqqaajunngitsunut nuunneqarsinnaavoq. Angajoqqaatut oqartussaassuseq aappariiullutik katissimasunut peqatigiittumik nuunneqarsinnaavoq, matumani angajoqqaap arlaanut ataatsimut taassumalu aapparisaanut ilanngullugu eqqarsaatigalugu. Angajoqqaatut oqartussaassuseq pillugu suliaq eqqartuussivimmun suliassanngortinneqarsimappat isumaqatigiissut eqqartuussivimmit akuerineqarsinnaavoq.

**§ 14.** Eqqartuussiviup angajoqqaap arlaanit angajoqqaatut oqartussaassusermik tigumminnngitsumit akuersisitseqqaarnikkut aalajangersinnaavaa angajoqqaatut ataatsimoorussamik oqartussaassuseqartitsisoqassasoq imaluunniit angajoqqaatut oqartussaassutsip pineqartumut taassumunnga nuunneqassasoq.

*Imm. 2.* Eqqartuussiviup § 13, imm. 2 tunngavigalugu isumaqatigiissut allangortissinnaavaa, imaluunniit § 15 tunngavigalugu aalajangiineq allangortissinnaallugu.

### *Toqukkut qimagunneq*

§ 15. Angajoqqaat angajoqqaatut ataatsimoorussamik oqartussaassuseqarpata angajoqqaallu aappaan toqukkut qimaguppat angajoqqaatut oqartussaassuseq aappaaniiginnassaaq. Meeraq toqukkut qimaguttoqartillugu aappariit aappaani inuuginartumi najugaqanngippat inuup allap toqukkut qimaguttoqarneranut atatillugu eqqartuussivik qinnuigisinnaavaa angajoqqaatut oqartussaassutsip imminut tunniunneqarnissaa. Qinnuiginneq aatsaat akuerineqarsinnaavoq suussutsip meeqqamut ajunnginnerpaasussap eqqarsaatigineqartussaanera angajoqqaatut oqartussaassutsip aappaasumit inuuginnartumit tigummiinnarneqarnissaanut akerliuppat. Meeraq toqukkut qimaguttoqarnerani angajoqqaami inuuginnartumi najugaqarpat aamma taanna angajoqqaap angajoqqaatut oqartussaassusermik tigumminnittup aappaata toqukkut qimاغunneranut pisoo-qataappat inuup allap eqqartuussivik qinnuigisinnaavaa angajoqqaatut oqartussaassuseq imminut tunniuteqqullugu. Qinnuiginneq aatsaat akuerineqarsinnaavoq meeraq eqqarsaatigalugu angajoqqaatut oqartussaassutsip aappaasup inuuginnartumiinnginnissaa pingaaruteqarluinnartumik isumaqarpat.

*Imm. 2.* Angajoqqaap aappaata angajoqqaatut oqartussaassuseq kisimi tigummippagu taanna toqukkut qimaguppat, imaluunniit toqukkut qimاغunnerup arlaannaataluunniit angajoqqaatut oqartussaassusermik tigumminninnginneranik kinguneqartippagu eqqartuussiviup meeqqamut ajunnginnerpaasussaq eqqarsaatigalugu angajoqqaatut oqartussaassuseq kimit tigummineqasanersoq aalajangissavaa. Angajoqqaajusup aappaata inuuginnartup angajoqqaatut oqartussaassutsip tigunissaa qinnutigippagu qinnutaa akuerineqassaaq meeqqamut ajunnginnerpaasussaq eqqarsaatigalugu isiginiagassat tamatumunnga akerliunngippata.

*Imm. 3.* Angajoqqaap arlaata ataatsip angajoqqaatut oqartussaassuseq kisimi tigummippagu, taannalu angajoqqaap aappaata toqukkut qimاغunneranut pisuusimappat inuup allap angajoqqaatut oqartussaassutsip imminut tunniunneqarnissaa eqqartuussivimmut qinnutigisinnaavaa. Qinnuiginneq aatsaat akuerineqarsinnaavoq meeraq eqqarsaatigalugu angajoqqaatut oqartussaassutsip aappaasup inuuginnartumiinnginnissaa pingaaruteqarluinnartumik isumaqarpat.

*Imm. 4.* Katissimallutik aappariit ataatsimoortillugit angajoqqaatut oqartussaassuseqalersineqarsinnaapput, ilangullugu angajoqqaajusoq sivisunerpaamik inuusoq taassumallu katissimallugu aapparisaa.

§ 16. Angajoqqaatut oqartussaassusermik tigumminnittut oqaatigisinnaavaat namminneq toqukkut qimagukkunik angajoqqaatut oqartussaassuseq kia tigummisariaqarneraa. Taamaattorli § 15 tunngavigalugu aappaasup inuuginnartup salliutinneqartarnera atuuppoq allatut isummer-toqarnera apeqqutaatinnagu.

### **Kapitali 3**

#### *Meeqqap najugaqarfia siumoortumillu nalunaarutiginninneq*

§ 17. Angajoqqaat angajoqqaatut oqartussaassusermik ataatsimoorullugu tigummisaqarunik meeqqallu kia najugaqarfianiissanersoq pillugu isumaqatigiinngippata tamanna eqqartuussivimmit

aalajangerneqassaaq. Meeqqap angajoqqaami aappaani nunami allami, Danmarkimi Savalim-miuniluunniit najugaqarnissaminik kissaateqarsimasumi kissaateqartumiluunniit najugaqarnissaa pillugu eqqartuussivik aalajangersinnaavoq.

*Imm. 2.* Meeqqap najugaqarfissaas pillugu isumaqtigiissut aalajangiinerluunniit eqqartuussiviup allanngortissinnaavaa.

**§ 18.** Angajoqqaap nammineq meeqqalluunniit najugaqarfia nunami maani allamut nuna-mulluunniit allamut allanngortinniaruniuk tamanna pillugu angajoqqaajusup aappaanut nalunaa-uteqassaaq nuunnissaq sioqqullugu kingusinnerpaamik sapaatit akunneri arfinillit qaangiutsinnagit.

## Kapitali 4

### *Angajoqqaanik najuineq*

**§ 19.** Meeqqap angajoqqaanut marluusunut tamanut attaveqarnera attatiinnarneqartariaqarpoq meeqqap angajoqqaami arlaani najugaqarfiginngisamini najuinissaminik pisinnaatitaaffia aqqu-tigalugu.

*Imm. 2.* Meeqqap angajoqqaamini aappaani najugaqarfiginngisamini najuinissaa pillugu angajoqqaat ataatsimoorussamik akisussaatinneqarput, aamma nاجuisarnermut atatillugu meeqqap angalanissaa pillugu.

*Imm. 3.* Angajoqqaap meeqqamit najugaqarfigineqanngitsup najuinissaq qinnutigisinnaavaa.

*Imm. 4.* Nاجuisoqanngippat imaluunniit killilerujussuarmik nاجuisoqarpat, angajoqqaap mee-qamik nاجuisup, Naalagaaffiup Sinniisoqarfia qinnuigisinnaavaa angajoqqaajusoq alla attaveqar-figeqquillugu najuinissap eqqartorneqarnissaa siunertalaralugu.

### *Allanik angajoqqaajunngitsunik nاجuisarneq*

**§ 20.** Angajoqqaap aappaa imaluunniit tamarmik toqukkut qimagussimappata, imaluunniit anga-jooqqaap aappaa ilisimaneqanngippat meeqqap ilaquaanik qanignerpaasaanik attaveqarfigineru-saminilu nاجuisarnissaa qinnuteqartoqareerneratigut eqqartuussiviup aalajangersarsinnaavaa.

*Imm. 2.* Angajoqqaamik meeqqap najugaqarfiginngisaanik meeraq nاجuisoqartanngippat ima-luunniit killilerujussuarmik nاجuisoqartarpat meeqqap ilaquattatut qanignerpaasaanik attaveqarfigil-luartagaanillu nاجuisoqartarnissaa qinnuteqartoqareerneratigut eqqartuussiviup aalajangersinnaavaa.

**§ 20 a.** Meeraq qitornavissiartaarineqarsimappat immikkorluinnaq pisoqartillugu meeqqallu ilaqtavianik qinnuteqartoqarneratigut eqqartuussiviup taakkuningga meeqqap najuinissaa allatul-luunniit aaqqissuunneqartumik attaveqartarnissaa aalajangersarsinnaavaa meeqqap qitornavissiart-aaritinneqarnissaa sioqqullugu inummik najuinissaq il.il. pillugu qinnuteqarsimasumik nاجuisoqar-tarsimappat allatulluunniit aaqqissuussamik attaveqartarsimappat.

*Imm. 2.* Qitornavissiartaartup meeqqallu taassumaluunniit angajoqqaavisa akornanni qitornavis-sianngortitsinerup nalaani qanigisariillutik ilaqtariittoqarpat allatulluunniit immikkut ittumik

qanigisariittoqarpat eqqartuussiviup immikkut ittumik meeqqallu ilaqtarpiarisaaannit qinnuteqartoqareerneratigut pineqartunik najuinissaq allatulluunniit aaqqissuussamik attaveqateqartarnissaq aalajangersarsinnaavaa.

*Najuisarnissaq pillugu aalajangiinerit*

**§ 21.** Najuisarnerup qanoq annertutiginera pisarneralu pillugu isumaqatigiittoqanngippat taman-na pillugu qinnuteqartoqareerneratigut eqqartuussivik aalajangiisinjaavoq aamma tamatumunnga ataneqartumik pisariaqarneratigut aalajangersagassat pillugit aalajangiiffiginnissinnaalluni.

*Imm.* 2. Najuisarnissaq aalajangersarneqassaaq pissutsinik meeqqamut tunngasunik aalajanger-simasumik naliliineq aallaavigalugu.

*Imm.* 3. Najuisarnissamik aalajangersaanissaq itigartinneqarsinnaavoq aamma najuisarnissaq pillugu isumaqatigiissut aalajangiinerluunniit allanngortinneqarsinnaavoq atorunnaarsinnejarsin-naalluniluunniit.

*Allattut ittumik attaveqarneq*

**§ 22.** Immikkut ittumik pisoqartillugu eqqartuussiviup meeqqamik najuisarnissap allatut aaqqissunneqarnissaa aalajangersarsinnaavaa, soorlu oqarasuaatikkut, allaffigeqatigiittarnikkut, eletronikkikkut allaffigeqatigiittarnikkut, assit aqutigalugit allatigulluunniit taakkua assigisaatigut.

*Imm.* 2. Allatut aaqqissuussamik attaveqatigiittarnissaq ukunanng qinnutigineqarsinnaavoq

- 1) angajoqqaamit meeqqap najugaqarfiginngisaanit, imaluunniit
- 2) meeqqap ilaqtutut qanignerpaasaanit, najuisarnissaq pillugu § 20-mi piumasaqaatinik eqqortitis-isoqarsimappat.

*Imm.* 3. § 21, imm. 1 aamma 3 taakku assigisaanik atuupput.

*Meeraq pillugu paasissutissiineq il.il.*

**§ 23.** Angajoqqaaq angajoqqaatut oqartussaassusermik tigumminningitsup meeqqap atuarfinni, meeqqerivinni, isumaginninnermi peqqinnissaqarnermillu ingerlatsivinni kiisalu napparsimmavinni namminersortut ingerlataanni, nakorsani kigutilerisuni namminersortuni atugai pillugit qinnute-qareernikkut paasissutissinnejarnissani pisinnaatitaaffigaa. Tamatuma saniatigut angajoqqaap taassuma pissutsit meeqqamut tunngasut pillugit allagaatit, atuarfinni meeqqerivinniluunniit pigineqarpata, imminut tunniunneqarnissaat pisinnaatitaaffigaa. Angajoqqaatut oqartussaassusermik tigumminnittoq pillugu paasissutissanik isertuunneqartussanik tunniussisoqassanngilaq.

*Imm.* 2. Suliffeqarfait il.il. imm. 1-imi taaneqartut pissutsit meeqqamut tunngasut pillugit paasissutissanik aalajangersimasunik allagaatinillu tunniussinissaq itigartitsissutigisinnaavaat, meeqqamut ajoqusiisinjaasutut naatsorsuutigineqarpata.

*Imm. 3.* Naalagaaffiup Sinniisuata immikkut ittumik pisoqartillugu aamma angajoqqaatut oqartussaassusermik tigumminnittumit imaluunniit suliffeqarfinit il.il. imm. 1-mi taaneqartunit qinnuteqartoqarneratigut angajoqqaap angajoqqaatut oqartussaassusermik tigumminningitsup imm. 1 tunngavigalugu paasissutissinneqarnissamut allagaatinillu tunineqarnissamut periarfissaanik pinngitsoortitsisinnavaoq. Aalajangiineq atuutissaaq suliffeqarfip il.il. aalajangiineq pillugu nalunaarummik tigusaqarneranit.

*Meeqyanik allanut inissitanik najoqateqarneq*

**§ 24.** Inatsit una tunngavigalugu najoqateqartarneq allatulluunniit attaveqatigiittarneq pillugu aalajangersakkat atuutsinnejassanngillat meeraq angerlarsimaffiup avataanut inissinnejarsimappat tamanna pillugu isumaginninneq pillugu inatsimmi malittarisassat tunngavigalugit.

*Nunanut allanut angalasarneq pillugu aalajangiineq*

**§ 25.** Naak angajoqqaat angajoqqaatut oqartussaassusermik ataatsimoorussamik tigumminnittut akornanni angajoqqaatut oqartussaassusermik tigumminnissaq pillugu isumaqatigiinngittoqarluartoq angajoqqaajusup aappaata meeqqamik nunanut allanut, Danmarkimut Savalimmiunulluunniit sivikitsumik nassataqarnissaa pillugu eqqartuussivik aalajangiisinnaavoq.

## **Kapitali 5**

*Aalajangiinerugallartut*

*Angajoqqaatut oqartussaassuseq meeqqallu najugaqarfia*

**§ 26.** Angajoqqaatut oqartussaassuseq pillugu suliami eqqartuussiviup qinnuteqartoqarneratigut aalajangersinnaavaa angajoqqaatut oqartussaassutsip kimut tunniunneqarallassasoq, imaluunniit angajoqqaami sorlermi meeraq najugaqarallassasoq. Suliami meeqqap najugaqarfianut tunngasumi eqqartuussiviup qinnuteqartoqarneratigut aalajangersinnaavaa meeraq angajoqqaami sorlermi najugaqarallassasoq.

*Imm. 2.* Imm. 1 tunngavigalugu aalajangiineq atuutissaaq inaarutaasumik isumaqatigiissummik aalajangiinermilluunniit naammassineqarsinnaasumik peqartoqalernissaata tungaanut.

*Imm. 3.* Imm. 1 tunngavigalugu aalajangiineq atorunnaassaaq inooqatigiinneq aallarteqqinnejarpat.

**§ 27.** Angajoqqaat angajoqqaatut oqartussaassusermik ataatsimoorussamik tigummisaqarpata taakkualu arlaata meeqqamik nunamut allamut aallarussinissaa aarlerinartoqartarp, taamaalillunilu angajoqqaatut oqartussaassuseq pillugu aalajangiinissaq sioqqullugu taamaalioratarsinnaalluni, isumaginninnermut nunamullu namminermut ministerip imaluunniit inuup ministerip pisinnaataata angajoqqaatut oqartussaassuseq angajoqqaap aappaanit kisimi tigummineqartussanngorlugu tunniussinnaavaa.

**§ 28.** Angajoqqaatut oqartussaassusermik tigumminnittoq imaluunniit marluullutik tigumminnitut inuttut pissutsit meeqqamut tunngasut pillugit aalajangersinnaanngippata angajoqqaatut oqartussaassuseq sorlermut tunniunneqassanersoq eqqartuussiviup aalajangissavaa aalajangersinnaannginneq taanna suli piutillugu.

*Najuineq il.il.*

**§ 29.** Suliani angajoqqaatut oqartussaassusermut, meeqqap najugaqarfianut, najuinermut allatuluunniit attaveqartarnermut tunngasuni eqqartuussivik qinnuteqartoqarneratigut najuisoqarallarnissaa allatulluunniit attaveqartoqarallarnissaa pillugu aalajangiisinnavaoq.

*Imm. 2.* Imm.1 tunngavigalugu aalajangiineq atuutissaaq najuinissaq pillugu inaarutaasumik aalajangiinerup naammassillugu suliarineqarsinnaasup, najuinissaq pillugu isumaqatigiissutip imaluunniit allatut attaveqaqatigiinnissaq pillugu isumaqatigiissutip saqqummiunneqarnissaata tungaanut.

*Imm. 3.* Imm. 1 tunngavigalugu aalajangiigallarnissamik perarfissaq immikkorluinnaq pisoqartillugu isumaginninnermut nunamullu namminermut ministerimit taassumaluunniit pisinnaatitaanit aammattaaq atorneqarsinnaavoq.

*Allanngortitsineq*

**§ 30.** §§ 26-29 tunngavigalugit aalajangiigallarneq allanngortinneqarsinnaavoq.

## Kapitali 6

*Suliamik suliarinninneq*

*Suliap aallartinnera*

**§ 31.** (Kalaallit Nunaanni atuutilersinneqassanngilaq)

*Meeqyanut tunngasunik ilisimasalinnit siunnersorneqarneq akerleriissuteqartoqarneranilu  
isumaqatigiissitsiniarneq*

**§ 32.** Angajoqqaatut oqartussaassuseq, meeqqap najugaqarfissaai imaluunniit najuinissaq pillugu akerleriissuteqartoqartillugu eqqartuussiviup Naalagaaffiullu Sinniisuata meeqyanut tunngasunik ilisimasalinnit siunnersorneqarnissaq imaluunniit akerleriissuteqartoqarnerani isumaqatigiissitsiarnissaq angajoqqaanut meeqyanullu neqeroorutigisinnaavaat.

*Imm. 2.* (Kalaallit Nunaanni atuutilersinneqassanngilaq)

*Imm. 3.* (Kalaallit Nunaanni atuutilersinneqassanngilaq)

*Meeqyanut tunngasunik immikkut ilisimasallit misissuinerat*

**§ 33.** Suliani angajoqqaatut oqartussaassusermut, meeqqap najugaqarfissaanut aamma najuinermut tunngasuni eqqartuussiviup Naalagaaffiullu Sinniisuata meeqyanut tunngasunik immikkut

ilisimasallit misissuinissaat aallartissinnaavaat aamma angajoqqaat pillugit ilisimasallit nalunaarutaannik pissarsiniarsinnaallutik.

*Imm. 2. (Kalaallit Nunaanni atuutilersinneqassanngilaq)*

*Meeqqap peqataatinneqarnera*

**§ 34.** Angajoqqaatut oqartussaassuseq, meeqqap najugaqarfia najuisarnerluunniit pillugu suliami meeraq peqataatinneqassaaq, taamaalilluni tamanik isiginnissinnaanerminik namminerlu isummer-sinnaanerminik oqaatiginnissinnaaniassammat. Tamanna meeqqanik oqaloqatiginninnikkut, meeqqanut tunngasunik immikkut ilisimasallit misissuinerisigut allatulluunniit meeqqap tamanik isiginnissinnaassusianik qulaajarneqarsinnaasutigut pisinnaavoq.

*Imm. 2. Meeqqap suliamut toqqaannartumik peqataatinneqarnissaanik pisussaaffik atuutissanngilaq tamanna meeqqamut ajoqsiisinnaasutut naatsorsuutigineqarpat, imaluunniit suliami pissutsit malillugit pisariaqartutut isigineqarpat.*

*Meeqqap naalagaaffiup pisortatut ingerlatsivianut saaffiginninnissamik periarfissaa*

**§ 35.** Meeqqap 10-nik ukioqalereersimasup Naalagaaffiup Sinniisoqarfia qinnuigisinnaavaa angajoqqaajusut attaveqarfifeqqullugit angajoqqaatut oqartussaassuseq, meeqqap najugaa imaluunniit najuisarneq pillugu oqaluuserisaqarnissaq siunertaralugu.

*Suliani aalajangersimasuni angajoqqaat nalunaartussaanerat*

**§ 36.** § 13, imm. 2 tunngavigalugu angajoqqaatut oqartussaassuseq pillugu isumaqatigiissutip akuerineqannginnerani Naalagaaffiup Sinniisuata nalunaarut angajoqqaamit angajoqqaatut oqartussaassusermik tigumminneqataanngitsumik pissarsiarissavaa.

*Imm. 2. § 20, imm. 2 tunngavigalugu najuisarnissaq pillugu aalajangiinnginnermi eqqartuus-siviup nalunaarut angajoqqaamit meeqqamik najuinngitsumit killilerujussuarmilluunniit najuisumit pissarsiarissavaa.*

*Imm. 3. Imm. 1 aamma 2 tunngavigalugit nalunaarummik pissarsinissaq pinngitsoortinnejarsin-naavoq tamanna meeqqamut ajoqsiisinnaasutut imaluunniit suliamik naammaginanngitsumik kinguartitsinermik nassataqartitsinissa naatsorsuutigineqarpat.*

*Toqukkut qimaguttoqarnerata kingornatigut angajoqqaatut oqartussaassuseq*

*§ 37. (Kalaallit Nunaanni atuutilersinneqassanngilaq)*

*Aningaasaqarniarnermut tunngasut pillugit paasissutissanik pissarsineq*

**§ 38.** Meeqqamik najuisarnermut atatillugu meeqqap angalanissaanik angajoqqaat ataatsimoor-lutik akisussaaffeqarnerat pillugu suliani atugassatut, matumani angajoqqaat tamatumunnga aningaasartuuteqarnissaat ilanngullugu eqqarsaatigalugu eqqartuussivik akileraartarnermik aqutsi-

soqarfimmi suliami illua'tungiusoq pillugu paasissutissanik aningaasaqarniarnermut tunngasunik pissarsiniarnermini inatsit una tunngavigalugu qarasaasianut isersinnaassaaq.

*Allanngortitsinissamik qinnuteqarnernik itigartitsineq*

**§ 39.** Angajoqqaatut oqartussaassutip, meeqqap najugaqarfiata, najuisarnerup allatulluunniit attaveqaqtigittarnerup allanngortinneqarnissaq pillugu qinnutigisaq itigartinneqarsinnaavoq pissut-sit meeqqamut tunngasut annertuumik allannguuteqartinneqannngippata. Taamaattorli tamanna § 14, imm. 2 tunngavigalugu angajoqqaatut oqartussaassusermik allanngortitsinissaq pillugu qinnutigisanut atuutinngilaq.

*Imm. 2. (Kalaallit Nunaanni atuutilersinnejassanngilaq)*

*Sulianik suliarinninnermik naammassinninneq eqqartuussivimmullu suliassanngortitsineq*

**§ 40. (Kalaallit Nunaanni atuutilersinnejassanngilaq)**

*Naammagittaalliuuteqarneq il.il.*

**§ 41.** Inatsit una tunngavigalugu Naalagaaffiup Sinniisuata aalajangiineri isumaginninnermut-, meeqqanut- akuliunneqarnermullu ministerimut naammagittaalliuutigineqarsinnaapput, taamaattorli takuuk imm. 4.

*Imm. 2. (Kalaallit Nunaanni atuutilersinnejassanngilaq)*

*Imm. 3. (Kalaallit Nunaanni atuutilersinnejassanngilaq)*

*Imm. 4.* Angajoqqaap angajoqqaatut oqartussaassusermik tigumminnngitsup § 23, imm. 2 tunngavigalugu aalajangiineq Kalaallit Nunaanni Isumaginninnermi Naammagittaalliuuteqartar-fimmut naammagittaalliuutigisinnaavaa. Taamaattorli tamanna peqqinnissaqarfiup aalajangiinerinut atuutinngilaq.

*Imm. 5.* Peqqussut una malillugu eqqartuussiviup aalajangiineri pisassapput eqqartuussisoqar-neratigut. Taamaattorli §§ 26 aamma 28-30 malillugit eqqartuussiviup aalajangigai pisassapput aalajangiinikkut taakkulu tunngavilersorneqartassapput. Oqaaseqatigiit appaat malillugu aalaja-angiineq Kalaallit Nunaanni eqqartuussiveqarneq pillugu inatsimmi kapitali 43-mi malittarisassat malillugit suliassanngortinneqarsinnaapput.

*Piginnaatitsinerit*

**§ 42.** Isumaginninnermut nunamullu namminermut ministeri makkua pillugit malittarisassanik aalajangersaasinjaavoq

- 1) angajoqqaatut oqartussaassusermut tunngasut pillugit sulianik Naalagaaffiup Sinniisuutaata suliarinninnera,
- 2) (Kalaallit Nunaanni atuutilersinnejassanngilaq),

- 3) (Kalaallit Nunaanni atuutilersinnejassanngilaq),
- 4) angajoqqaatut oqartussaassuseq pillugu isumaqatigiissutnik nalunaarutiginninneq,
- 5) (Kalaallit Nunaanni atuutilersinnejassanngilaq) aamma
- 6) naammagittaalliortup suliarinninnera.

## Kapitali 7

### *Sulineq pillugu isumaqatigiissutit*

**§ 43.** Meeraq inuusuttorluunniit angajoqqaatut oqartussaaffigineqartoq § 1 tunngavigalugu angajoqqaatut oqartussaassusermik tigumminnittumit akuerineqarluni nammineerluni suliaqarnermik allatulluunniit inuttut sulinermik aallutaqalersimappat, taamaalillunilu nammineq ulluinnarni pisariaqartitaminik isumaginnissinnaalluni, pineqartup 15-inik ukioqalereersimaguni isumaqatigiissut nammineerluni atorunnaarsissinnaavaa taaneqartullu assigisaanik sulinermik aallutaqalersinnaalluni angajoqqaatut oqartussaassusermik tigumminnittoq allatut aalajangersimanngippat.

**§ 44.** Suliaqarneq allatulluunniit nammineq sulineq pillugu isumaqatigiissut meeqqap inuusutluunniit nammineerluni isumaqatigiissutigisimasaangajoqqaatut oqartussaassusermik tigumminnittup atorunnaarsissinnaavaameeqqap inuusutluunniit perorsarneqarnera inuulluataarneraluunniit asattuunneqarnissaata pisariaqartippagu. Taamaattorli atorunnaarsitsineq taanna pissaaq sapinngisamik naammaginartumik ilimasaaruteqarnikkut, aamma naammaginartussaq anguniarlugu matumani illua'tungusoq naammaginartumik taarsiiffigineqarsinnaalluni.

## Kapitali 8

### *Nuna tamani isumaqatigiissutit nunanilu tamani pisinnaatitaaneq*

**§ 45.** Naalakkersuisut angajoqqaatut oqartussaassuseq, najugaqarfik, najuineq allatulluunniit attaveqaqatigiinneq pillugu danskit inatsiseqartitsinikkut malittarisassaasa nunallu allat inatsiseqartitsinikkut malittarisassaasa akornanni pissutsit pillugit naalagaaffinnik allanik isumaqatigiissutqarsinnaapput (overenskomst). Isumaqatigiissut Kalaallit Nunaani atuuffeqassaaq Lovtidendekkut nalunaaruteqarneqtunngavigalugu.

*Imm. 2.* Aammattaaq Isumaginninnermut nunamullu namminermut ministeri angajoqqaatut oqartussaassuseq, meeqqap najugaqarfia, najoqateqartarnera allatulluunniit attaveqartarnera pillugu danskit nunanili avannarlerni malittarisassaasa akornanni pissutsit pillugit malittarisassanik aalajangersaasinnaavoq.

*Imm. 3.* Isumaginninnermut nunamullu namminermut ministeri sulianik pisinnaatitaaneq, inatsisinkaalajangersaaneq, oqaatiginninneq, naammassinninneq aamma angajoqqaat akisussaanerat pillugu suleqatigiinneq aamma meeqqanik illersuisussaaneq pillugu suliniutit pillugit Haagerkonventionimi, 19. oktober 1996-imeersumi (Haagerbørnebeskyttelseskongventionen) pineqartunik suliarinninneq pillugu malittarisassanik aalajangersaasinnaavoq.

**§ 46.** Naalagaaffiup Sinnisua suliamik angajoqqaatut oqartussaassusermut tunngasumik suliarinnissinnaavoq Kalaallit Nunaanni eqqartuussisarneq pillugu inatsimmi § 283, imm. 2-mi piumasaqaatit eqqortinnejarpata.

*Imm. 2. (Kalaallit Nunaanni atuutilersinneqassanngilaq)*

## **Kapitali 9**

*Atuutilersitsineq il.il.*

**§ 47.** Peqqussut 1. januar 2015-imi atuutilersinneqassaaq, taamaattorli takuuk imm. 3.

*Imm. 2. (Kalaallit Nunaanni atuutilersinneqassanngilaq)*

*Imm. 3. § 38-p piffissaq atuutilersinneqarfissaa pillugu Isumaginninnermut nunamullu namminermut ministeri aalajangersaassaaq.*

**§ 48.** § 6, imm. 3, aamma § 7, imm. 3 meeqqat 1. januar 2015-imi kingusinnerusukkulluunniit inunngortut kisimi pillugit atuutissapput.

**§ 49.** (Kalaallit Nunaanni atuutilersinneqassanngilaq)

**§ 50.** Aalajangersakkat Angajoqqaat akisussaanerat pillugu inatsit naapertorlugu tunniunneqartut Kalaallit Nunaanni atuutissanngillat.

*Christiansborg Slotimi tunniunneqarpoq ulloq 6. juni 2016*

Kunngisut atsiorpugut naqissusiillatalu

MARGRETHE R.

/ Karen Ellemann